

N-I-10

E N C O M I V M
ANGELICI VATIS.
DIVI IOANNIS APOSTOLI
ET EVANGELISTAE.
AD FÆLIX ANNI AVSPICIUM.

Illustri & Magnifico Domino,

D. JOANNI WĘZYK,
SYRADIENSI, VARTENSI, &c. &c.
CAPITANEO,

Domino obseruandissimo.

Capitano Ceyak Capitanes

R. & V. P. ADAM LAVRENTIO JASINSKI, *act.*
Artium & Philosophia Baccal:

Officiosæ gratulationis ergo
DICATUM.

Anno Domini, M.DC.XL.IV.

CRACOVIAE, In Officina Stanisłaj Bertutowic.



Jane, quid auspicii redimito huic innuis angui?
Sedibus an referes quas Ophiuchus habet?
Falleris: hic serpens maiores spectat honores,
Cui pomum virtus, Crux diadema dedit.
Dic age, W e ż y k o v i a n a Domus Pylyos florescat in annos
Poma ferant fasces, Crux super astra vehat.

Joannes de Romisŏwice Stokowski
Subdap. Ter: Lanc: Stud: Pôës.

Illustri & Magnifico Domino,
D. IOANNI WEZYK.
SIRADIENSI, VARTENSI, &c. &c.
CAPITANEO,

Domino Fauentissimo.

P. F. P.

PRINCIPEM mentium caelesti regione exturbatum Illustris & Magnifice Domine, non solum fastu verum etiam Inuidia & Libidine tam enorme malum & grauem cladem sibi accersuisse SS. Ecclesiae Doctorum testantur paginae, à quibus Criminatoris & immundi Spiritus nomen sortitus est. Eò quod Humanum genus mira pulchritudinis futurum, imaginemq; Dei representaturum praeoscens, deformare appetierit; Verbumq; Dei nullis tramitibus circumscriptum carne mortali assumptà, Hominem altissimo Caeli domicilio inserendum praesciens, tantam felicitatem mortalium generi inuiderit, nec coheredem aeternae Ierusalem quenquam esse voluerit. Sed quem spes dominandi ad Aquilonem elusit, praedam vasto Climate mundi inhabitantem rapere, subiugare. Tartareisq; lacubus suffocare conatur; unde Cerberi infernalis frater accusator fratrum nuncupatur: Cuius odij non alia causa est, quam dominandi ambitio. Nam sicut animi summissio est mater verecundiae nutrix charitatis; sic arrogantia facta lasciuiae origo, & multorum scelerum nutrix exosa; utpote quod tam virtutes quam vitia concatenatum inter se nexum habere videantur. Incongruum igitur fuit calos adamante nitidiores, auro, gemmisq; splendoriores, titiorem infernalem posse retinere, quin potius ruptis cardinibus, spiritum luce orbatum in stygias detrusere & demersere paludes. Proinde nouum amenissimi illius Regni incolam, purissimum mente Angelum, castam corpore virginem, pudici amoris seruandì inter fratres sollicitum praconem, lumine perspicacis intellectus

relectus arcana Sanctissima Triadis penetrantem, Diuum Joannem
Euangelistam, metris non ex ipso Heliconis fonte emergentibus, tan-
quam Clienti Patronum Illustri Magnificenciae Tue offero. Dignus
equidem Patronus Cliente, nec indignus Clienſ tali Patrono; quem
cum optimè nouerim quòd summo prosequaris honore, ita ut non o-
pus habeas tanti Tutelaris mea commendatione. Attamen prompti-
tudo obsequiorum meorum in Illustrissimam Domum Tuam, temporis
ipsius solennis festiuitas, & quòd magis est Nepotis Tui parua quàm
in decantando perfunctus est opella, id à me exposulauit ut amplif-
simo Nomini Tuo consecrarem. Nec immerito: unde enim splendoris
fontes largè promanarunt, in eundem Oceanum prapete cursu reuer-
tantur. Excellens materia, Herois magni facinora eximia, Aligerum
industriam tractanda, hoc exili opusculo continentur, quòd licet Mæo-
num, non tamen ab ipso Parnasso depromptum, Tuo iucundissimo a-
spectui comparere veretur, nè suffusum rubore citius repulsam patia-
tur, quàm in sinu beneuolo conquiescat. Sed me recreat innata boni-
tas, & mens generosa M. T. quòd hoc Xenium non tam exqui-
situm, quàm prono animo oblatum, aspernari noles. Scio enim,
nec hunc vniuersum orbem latet, quòd D. Apostolum Delicias Chri-
sti, pluribus, quam Lucij Dentati robur laureis victricibus & oleis
triumphatricibus redimitum coronis, laude celebrare sit difficile,
Tuamq; Illustrissimam depradicare Familiam, summè arduum:
cuius virtus sic viget & semper vigeat, ut de Exedris mellifluae
Suada aliunde non postulet ornamenta. Nam si generosae stirpis
Tuae fortitudinem & in rebus gerendis dexteritatem intueor, Mar-
tis & Bellone augustale cerno: Si prudentiam hanc in stemmate
Tuo (Numinis altissimi oraculo comprobante) sedem sibi fixisse ad-
uerto, quae virtutes unita semper W E Ż I K O V I A N E D O M V S
fuere sedes & solia: unde tanquam ex Equo Troiano, multi de
Ecclesia deq; Republica bene meriti prodire Heròes. Quorum te-
xere numerum superuacaneum, vna sit instar mille, pia memoria
Illustrissimus Patruus Tuus Princeps Regni Dynasta JOANNES
W E Ż Y K Archiepiscopus Gnesnen: quem silentio inuoluere nefas;
cuius

cuius prudentiam, dexteritatem, animi robur, non modo amplif-
simum hoc Poloniae Regnum, sed tota Europa obstupefcit. Tot Sy-
nodos sanctè celebratas Ecclesia Orthodoxa amplectitur, Tot decreta
Cines Patria venerantur, Tot consilia salubria tanquam ex tripode
Apollinis deprompta totum Regnum exosculatur. Tripudiat suau-
olens Regni pomum tot hostium vndiq; inhiantium manibus coro-
natrice dextrâ erectum, & vni pulchriori Augustissimo & Sere-
nissimo VLADISLAVO IV. datum: Quod neq; Borea septen-
trionalis, non Euxi Orientalis, non deniq; Cauri occidentalis im-
petuosus flatibus emarcescet, sed sartum ac tectum cum gloriosa Do-
mus Tua famâ longum perennabit in ænum. Non degenerem Te
Illustres & Magnifice Domine virtutum suarum reliquit secta-
torem, quem non in opes ad obsequium Ecclesie Patrieq; dissipat-
as, sed in virtutes & merita coaugmentata successorem habere vo-
luit, quibus ornatus & Principis gratiam & Equestris ordinis amo-
rem tibi conciliares. Nec spe frustratus magnus Antistes: Testa-
tur Pallatinatus Seradiensis Tuam prudentiam, cuius tu Astræam
exercens clauum tenes, nemo reperitur qui Tui Iudicij Castrensis
decreta incuset: Testatur Varta pietatem, tot vota ad Beati Ra-
phâelis Mausoleum expleta: Testatur deniq; tota vicinia humani-
tatem, liberalitatem, & hospitalitatem quam omnibus ostendis:
Nemini supercilium tuum contractum, nemini ianua clausa extite-
runt. Sed quidquid prudentiæ, Comitatus morum, affabilitatis in-
trepidi animi est, id totum WĘŻYKOVIANVM est: Ut ce-
tera omittam. Illud magni animi specimen & pietatem in altri-
cem suam Almam Academiam Cracouien: Perillustres & Admodum
Reuerendi Domini ALBERTI WĘŻYK Decani Gnesnen: viri
doctrinâ, consilio, dignitate conspicui, virtute Fratris Tui verè
germani tacitus præterire non possum: qui nuper Tribunalis Regni
Index deputatus, pro Libertate Vniuersitatis nostræ sanguine fuso re-
cuperata, tot Pontificum, Principumq; Priuilegiis roborata (nè ge-
nerosa pubes Polona vili de Causa ad iudicia aliena traheretur, sed
soli vniuersitatis Almae Gubernatori citata responderet) pectore im-
panido

pauido temere restitit audacia, & ore vindice è iugo seruili ut
verus Alumnus Nutricem liberauit, cuius amorem propensum,
nulla sera posteritatis tollet obliuio, sed calculo albo inscriptus, du-
raturus in aeuum permanebit; quandoquidem sanctum est taliter de
Matre mereri. Tot & tanta amplissima Domus Tua praeciosa fa-
cinora hac Exigua pagina capere non potis, Codicibus inserenda re-
liquit; mea autem mens ignara rerum non ea recensere, sed ma-
gni vatis S. Joannis Euangelista Patroni M. T. intendit offer-
re elogium, Cui felix Noui anni auspiciu cum LECTISSIMA Con-
sorte Tua EUPHROSINE de Illustrissima KONIECPOL-
SCIORVM Familiâ orta, liberisq; charissimis gratulor, innume-
rosq; alios feliciter succedere cupio. Quam animi mei propensio-
nem & Generosi Adolescentis Joannis Stokowski Nepotis Tui ad ob-
sequia feruorem, cum hoc opusculo eâ animi magnitudine Excipe,
quâ alios soles complecti, nosq; beneuolentiâ & custodiâ sinus Tui
fouere & tueri velis. Interim Deum Optimum Maximum quod
meum est precabor, ut omnia bona vota Tua, secundet & fortu-
net, diuq; cum vniuersâ Nobilissimâ stirpe Tuâ sospitem habere
dignetur.

Te DEVS incolumem seruet tibi militet aether,


Ad nutum Zephyros vellitis instar habe,

Et posthac vera vtriusq; vita cumulet felicitate. Crac: III.
Kal: Jan: anno à Partu Virginis. M. DC. XL. IV.

Illustris Magnificentiae Tuae

indignus Exorator

P. Adam Laurentius Jaśiński
Art: & Philosoph: Baccal.



P O E M A

In Laudem S. Ioannis Euangelistæ.

ÆTERNI postquàm cælo demissa Tonantis
Nascitur in terris soboles, Verbumq; supernum,
Corporis humani fragiles vix induit artus,
Mox læti Aligerum glomerantur in æthere Cætus,
Gloria voce D E O resonant, pax mittitur orbi,
Imaq; cum superis dulci modulamine plaudunt.
Nec sterilis reperitur humus, quæ fundit abundè,
Heroas Regis magnos Natale sequentes.
Turbine primus adest saxorum pressus, in vlnis
Infantis rutilum gemmis stephanoma reponit.
Aduolat huc alter residens super alite Diuûm,
Vates Bethsaidâ cæli fulgentis alumnus.
Prodromus anticipat Christi prope Cantius ortum:
Hos sequitur numerosa cohors Isacida proles,
Sanguine quæ fuso duplici mercede potitur.
Vndiq; cincta manent Pueri cunabla ministris,
Fasciolis vinctum venerantur poplite flexo.
Ipsa D E I Mater castissima Virgo M A R I A,
Cunctas Diuorum superans virtute phalanges,
Suppeditat curas, nè natus vagiat infans.
Pascitur vberibus, qui replet nectare cælum.
Argentemq; fouet, calidum qui condidit ignem,
Nunc pannis arcens, nunc dulcia basia figens,
Ordinat huic seruos cûi totus militat orbis.
Intonat alma Parens melos ad ptæsepe Puelli,
Cælicolæ alternis modulantur vocibus hymnos.
Ergo non solum astra dabunt? fert terra Ministros,
A quæis Rex natus toto celebratur in orbe.

Vnum ex his liceat mihi si monstrare Joannem,
Præ reliquis carum Christo memorare necesse est,
Insolitè Christum cecinit qui carmine natum,
Pectore ab autoris quod cænans hauserat imo.
Fælix discipulus patuit cûi dogma Magistri.
Hunc mea Musa canet, niueo qui corpore Virgo,
Vir fuit in pœnis, & plenus Numine vates.

Adsis ætherci celebris scrutator Olympi,
In secreta tuum deduc penetralia Alunnum:
Magne mihi quæso Tutor succurre Joannes,
Sit mihi fas audita loqui, sit tollere nomen.,
Laude tuum, mecum iactent oracla Camænæ.
Tu generosa cohors patulas concede loquenti
Aures, atq; fauc cupido celebrare Patronum.

Maius opus moueo teneris quàm vincere par est
Viribus ingenij, Charites me dicere cogunt.
Eloquar in primis clarum natale Joannis,
Nobilitas etenim virtutum exordia pandit;
Iunctaq; sttrps factis laudem fascesq; meretur.
Nec dubium in Patriâ hæc inuenta fuere Joannis;
Bethsaidâ licet exiguâ sit Diuus ab vrbe,
Retibus & mersis quærebat gurgite victum,
Quem peperere manus, sic res sudore parandæ:
Pulchrius illustrem fieri quàm Principe nasci.
Defuit haud istud, sed Diues utroq; Joannes,
Non locus hunc ornat Patriæ qui nomen adauxit.
Zodiacum decuit talem producere Martem.,
Qui exoritur cum Solis equis prenentibus altum,
Celsius ipse nitens & primo maior Eod.
Ducit auos atavos gentis primordia Reges,
Dauidicam fecunda Domum Zebedæia proles,
Quamvè fauor Christi iunxit sibi corpore fratrem.,
Maternâ tanquam profectum stirpe Joannem.

Stemma recens ortum (cuius caret incudē cassis)
Creditor, hāud mirum fieri de diuite Codrum.
Ambitione furens iuuenis Pelæus ab inde
Cedat, cornigero finxit qui se Ioue natum.
Ampliùs hic video Christum fratrem esse Joannis,
Gloria magna sat est Numen sibi habere propinquum,
Sanguine, sed maior factis æquare Patronum,
Dignus amore Dei hoc munus non degener hausit.
Tyndaridæ non se iactent Priamèia Regna,
Non sic clara sophis Danai Pandionis vrbs est,
Bethsais vt famâ iactantius æthera pulsat,
Dum Christi comitem meruit retinere benignum;
Quem sic clara virum gremio volitate per ora
Fudit, vt in pontum iam carbasa pandat honorum,
Atq; ita cum Laribus Ciuis splendore coruscat,
Vt sonitu laudum vastus triplici ordine Mundus
Perstrepat, augustumq; extendant retia nomen.

Sed minus hoc visum Diuo est, attingere Diuos
Sanguine, depictos generisq; ostendere vultus:
Dogmata vera sequi Christi cū mens fuit vna,
Internos animiq; Deo coniungere nexus
Totus anhelat, & omissis fautoribus orbis,
Quærit amicitiam cælo, ingenuitq; repertâ.

Tum D E V S omnipotens talem miseratus amorem,
Propria terga sequi iubet, & contemnere rete,
Otia blandisoni Mundi, curamq; parentum,
Promittens maiorem se præbere Parentem.

Vix vbi sermo Dei cupidus peruenit ad aures,
Anne vides gressus glomerantem? dogmate Christi
Instructum iuuenem, referentem ex orbe triumphos
Quos mox primævis animus spectabat ad annis,
Aligerum castam viuens sine crimine vitam.

B En modo

En modò voce Dei velut acri concitus æstro,
Omnia sternit humo, quem non pia cura parentum,
Non prolis studium, thalami quam fœdera gignunt,
Nonq; fames auri, non anxia cura peculii
Hunc flexit, Christi quem gratia sola trahebat.

O quis tam tenero tam firmum pectore robur,
Consiliumq; tibi dedit altâ à mente profectum?
Vt facilem noscens animo sequereris IESVM,
Quo Duce vitares sceleris delubra nefandi.

Postquam se obsequio Diuino tradidit ultro,
Vnguem discessit nec latum à corpore Christi,
Dogmata profundo volutans in corde Ioannes,
Mores & vitam vult conformare Magistro,
Flantibus hoc cæli Zephyris perfecit ad assem:
Nam virtutis amor Diuinum attraxit amorem.
Arctum, discipulis reliquis vt carior esset.

Cum IESVS montem cuperet conscendere Thabor,
Et nunc candidior, Phæboq; serenior esset,
Huic celebri voluit spectaculo adesse Joannem.,
Nomen & horrendum Boanerges contulit ipsi,
Fulmineus fieret mundo qui præco Tonantis.
Quæ tibi tunc studij curæ, quantusq; sequendi
Ardor erat? quanto flagrabant pectora voto?
Optatos audire sonos, superumq; verenda
Maiestate frui, arcanosq; apprehendere sensus:
Ceu culmus nunquam se tollit pinguibus aruis
Imbres si desint, cæli suffusa meatu
Robora ruricolæ spectant sitientibus agris;
Dogmatis hæud aliter resoues dum pectora campo,
Non animum recreare potes, dum fulgura cernas,
Fulgura de superum tibi promittentia nube,
Quæis fundes pluuiam & tonitru vibrabis in hostes.
Hostis erat Christi gens edita semine Iudæ,

Quæ

Quæ temero fontem bonitatis sustulit ausu:
Heu scelus infandum! ô pietas iucunda Magistro
Discipuli, innocuum spacio non deserit vllò.
Accubuit Cænæ mæstus, quod proditor esset,
Vnus lectorum Procerum sceleratus lûdas,
Qui fraudis reliquos obiecit suspitioni.

Solus visceribus JESU oscula fixit amoris,
Vtpote quem rabidæ fraudis delubra laterent,
A quo arcana petens maiorem nouit amorem,

Felix discipulus patuit cui dogma Magistri.
Amplius ergo Dei famâ succensus, ad aulas
Pontificum curritq; pedem pede feruidus vrget,
Nunciat afflictæ Matri quid. Filius insons
Perferat, eloquio & dulci solatur eandem.

Exuperat studium Diui, mox in Cruce fixo
Assistit Domino, carâ comitante Patronâ:
Tunc demùm JESU fraterno adscriptus amorì,
Cum dixit Matri, Mulier natus tuus hic est;
Posthac discipulo, En Mater tua: prènde Joannes
Pignora magna satis, commercia digna pudoris.

O Hominem vel plus Hominem, Aligerumq; sodalem,
Mens cuius meruit tædas exosâ iugales
Hanc mutuam Matrem cum prole Tonantis habere:
Taliter est prorsus Sanctum de Matre mereri.

Perfida turba caue, iam fulminat ore Joannes
Te fixisse cruci Messiam Virgine natum,
Non credis? scrutare sepulchrum viuìt JESUS,
Quod plenus Diuo testatur pneumate vates.

Inuidet hoc subito stygij dominator Auerni,
Quem virtute Crucis relegauit Amazonis aris:
Monstrorum horribilem mittit phlegetonte cateruam,
Supponitq; faces irarum Domitiano,
Vt Joannem olei cruciet feruentis ahenò

Exustum flammis & funere mergat acerbo:
Mulciber haud potuit castum comburere corpus,
Quod vidit nunquam sensisse libidinis ætus;
Illæsus Martyr velut æquore retia laxat,
Ingentemq; Hominum prædam retraxit ab orco.

Non satis ô Heros tantos perferre labores,
Sed saxosa tibi visenda est Insula Pathmos:
Nè vereare ramen, corpus tellure manebit,
Mens Cherubim superans pascetur nectare Cæli.

Appulit ad portum vates novus incola Montis,
Instruit ore viros, animo scrutatur Olympum.
Et Neo Christicolis fidei Mysteria pandit.

Dêinde redux Ephesum lætatur duplici lucro,
Miriades hominum peperit quod dogmate Christo,
Atq; arcana Dei penetrauit lumine claro.
Non sic Amramidæ splendebant ora prophætæ
Splenduit vt vates arcano numine plenus:
Verum Euangelium superi ortum Numinis, astra
Mirantur, totus stupet orbis, sed timet Orcus
Gorgoneis antris spectans, monumenta salutis
Hæresis inuisum monstrum tua dogmata tollit,
Plebs lapsu ad vitium properat sequiturq; vocantem:
Tu nè cede malis sed contra audentior ito.

Impatiens vinci magnas assurgit in iras,
Mox fidei zelo circumdatus ægide Christi,
Mystica verborum contra hostes fulmina torquet.
Ter geminat Verbum quod erat DEVS vnus, ab ortu
Luciferi, trino quatit ostia fulmine Ditis:
Trinus & vnus erat DEVS, ergo ter hæresis errat,
Tartareus lacus Ebionem vocat Orcus Herintum,
Æternam Christi Deitatem qui esse negabant.

Tantus erat Joannis amor qui vindice pennâ,
Hæresin attriuit stygio merfitq; barathro,

Osten-

Ostendit vero lumen de lumine verum
Clarâ Euangelij verbiq; ardente lucerna.

Quæris at vnde fuit talis sapientia Diuo?
Cælica Mnemosynæ proles transcendit Olympum,
Fulua Iouis castam volucris quam detulit alis,
Atq; stupenda Dei scrutari limina fecit.

O Hominem Angelicâ maiorem laude Joannem,
Cûi DEVS arcanum Sophiæ dat munus amanti:
Fungitur officio Diuini gratus amoris,
Nam verbo prodest, curâq; medetur Ouili,
Eripit exitio quos funera multa piabant.

Quendam Christicolis Iudæum toxicadantem,
Conuertit signo crucis, atq; aconita retorquet:
Alterius mortem redimit numismate sùopte:
Prædantem iuuenem reuocat, nè præda sic Orco.
O miranda DEI bonitas, quæ rebus in arctis²
Numine succurris sancto mortalibus ægris.

Sic constans animo semper, sub mole laborum,
Labitur hâud fessus, sed adest tranquilla senectus²
Pectora casta regens grandæui pluma Joannis²
Cygnea, cûi similem vocem modulatur amoris,
Discipulis toties geminans commendat amorem.

Sic meritis pleno nec mundi laudis auaro
Mors accita venit, disiungit corpore mentem,
Innocuam gremio desert & collocat astris.
Victus amore DEI, cognato sanguine victi
Astra tenent animum, Paradysus Corpus amæna,
Erubuit castum vermis corrodere dente,
Sicq; pudicus amor retulit sua pignora amoris².
Nunc igitur quis te dignè prædicere possit,
O decus Herôum, Comes ô castissime Christi.
Promptius immensi pelagi numerabit arenas,
Oceanum vt possit laudum fulcare tuarum.

Talis honor venit si cū dignissimus vnquam;
Nunc venit, & meritos Christus tibi ponit honores.
Hic finis pugnaq; tuæ finisq; triumphī;
Et nos post obitum simili fac sine potiri.

VATES OMEN FÆLIX PRÆSAGIENS.

GEstiat nostri plaga tota Cæli,
Fulgur aurato micet ex Olympo,
Phœbus adductis stupeat quadrigis
Numinis ortum.

Terra festiuīs redimita fertis,
Hospitem læris recreet triumphis,
Igneos mittat trabibus ligatos
Mulciber orbis.

Mira suprēmi sobolēs Parentis
Nascitur mundo, generata ab æuo,
Soluat vt vinctum, renouetq; lapsa
Climata terræ.

Quod Sybillini meminere versus,
Primus hoc vates cecinit Joannes,
Verum & ostendit remanere paruo
Corpore Verbum.

Diue scrutator superum fidelis,
Veritas cuius data codicillis
Adsis, & nostris precibus faueto
Diue Joannes.

Hic dies anno redeunte festus,
Quo DEVS natus comitem te habendo:
W E Ż Y K O V I A N Æ domui beata
Tempora confer.

Te cliens magnum teneat Patronum,
Cuius est inter nitidos Penates
Nomen, hanc vates foueas Joannes
Omne læto.

Hæc domus claro rutilans ophite,
Obtinet castrî regimen Syradî:
Candor an virtus voluit Joannem hæc
Scandere rostra.

Gesta serpentum meruere larga
Præmia in Regno sacra quam profana,
Stemma vel mitras gerit, aut coruscant
Casside cristæ.

Præses in Regni vrbe Siradiensi,
Cui fides cordi pietasq; auita, hic
Vera Primatis Patruî in Nepote
Splendet imago.

Ergo sic diues meritis auorum,
Et tuis plenus, generosiore
Mente conscendas Patrios curules,
Marte togâq;

Dum tibi nonæ redeunt Decembres
Viue, cum illustri Sociâ Euphrôsyne,
Crescat & Proli's studium relictæ in
Palladis artes.

Sol tibi splendens sit, amica Phæbe
Sospitem seruet, generiq; toti
Alterum in lustrum meliusq; semper
Præroget æuum.

Fertiles tellus Cereris aristas
Proferat, vina & specubus Falerna
Pullulent, fundatq; Tagus metallum
Diuitis auri.

Ales aduersos reprimat Patroni
Hostium in cursu, patulisq; pennis
Quamuis inuitæ Domui præhendant
Semper honores.


Sauâ Parcarum rabies quiescat,
Fila nec rumpant subito sorores,
Sed tibi fœlix veniat senectus,
Seraq; fata.

Serus in cælum redeas, diuq;
Latus vtaris properante sêclo,
Donec hic laurus, Tua cælo oliua
Tempora cingat.

Deo ter Optimo Maximo. & Beatissimæ Mariæ Vir
gini honor & gloria perennis.



*Sparsa Lyceæ tuis Academia subijce Sceptris,
Quæ tibi Lechiaco fixa Trione patent
Gorgonis hæud vereare caput, regit ipse Vitelli
Aurea quo Musis pax moderante venit.*



62

P.



624 049

5000₁

Bibliotheca
P.P. Camaldulensium in Bielany

Depozyt w Bibliotece Jagiellońskiej



03023

N.1.10

